

O D A,
DE SACROSANCTAE
THEOLOGICAE ORIGINE, PRO-

PAGATIONE, ET CONSERVATIONE;

deq; Theologico, in inclyta Tubingensi Academia,

Collegio, iam multis annis

celeberrimo.

Primæua Patrū gens ab orbe condito
Nomen Dei sanctissimum,

(A quo creatos se potenter, & pari
Modo foveri nouerant.)

Coluere ritibus Deo acceptissimis,
Et prædicarunt posteris.

Sic Protoplastus: filiusq; sic Sethus:
Et sic Enos: & sic Enoch,

Qui flammeis subuectus in polū rotis.
Hi tum Sacrorum Principes.

Secutus hos Mundo qui utriq; præfuit:
Pis Noe sermonibus.

Hinc filius Iapetus, & Gomer nepos
In orbe Doctores nouo.

Successit illis Abraham piissimus,
Et Isaacus, & Iacob.

Hi dogma de vero Deo suo Suis,
Et tradiderunt Exteris.

Moses ab hisce Legifer primus: DEI
Qui voce, iussis, ductibus,

In Gente, quam Deus sibi delegerat,
Normam Sacrorum condidit:

Politicumq; sanxit ordinem, Deo
Cunctis placentem partibus.

Soteris ad Christi diem optatissimum
Durauit hæc Respublica.

At cultibus finem dedit Mosaicis
Prædulce tempus gratie.

Quo Christus omnibus salute reddita
Frui dedit mortalibus.

Eieri q; saluos omnibus potentiam
Annunciauit per Suos.

Quos uniuersi misit in Mundi plagas,
Hæc ut subirent munia.

Apostolos decem duosq; intelligo,
Ab hisq; doctos ceteros.

Qui cōsequenti tēpore haud pauci locis
Christum professi in omnibus.

A sex decēq; (annis min9 quater nouē)
Nunc seculis labentibus.

Quantū docētes, & simul q; docti ab his,
Aduersa passi plurima.

Nam quid Satan ille angelus nequissi-
Apostata egit liuidus? (mus,

Vt à Dei cultu per execrabilem
Desciuerat superbiam,

Hostis Dei supremus, & mortalium
Hostis supremus omnium,

Hos (inuidens illis beatitudinem,
Et sempiternum gaudium,

Superbiens prius quod ipse amiserat.)
Secum satēgit perdere.

Adamo, & Eua pessimum primis opus
Hoc cœpit à Parentibus.

Et sic eorum posteros suasu malo
Peccare fecit turpiter.

Iratu ut tandem Deus submergeret
Totum genus mortalium.

Noam sed, ipsiusq; filios tamen
Seruauit ex aquis Deus.

Hi cultibus Deum timent gratissimis,
Eiusq; nomen innocant.

Sed inserit rursus suum semen Satan:
Cainicā primūm velut,

Sic nunc Chami de gente prauis reproba
Regnum sibi recolligit:

Propagat, auget, atq; plurimūm uasfer
Per mille fraudes ampliat.

Suis